

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

**<http://www.parlimen.gov.my>**

**HARI KHAMIS, 24 MAC 2011, PUKUL 10.00 PAGI**

**Bil. 12**

---

**PERTANYAAN-PERTANYAAN BAGI JAWAB LISAN**

1. PR-000-L41330  
**Datuk Abd. Rahman bin Bakri [ Sabak Bernam ]** minta **MENTERI PELAJARAN** menyatakan kedudukan novel Interlok karya Sasterawan Negara yang menjadi teks Komponen Satera dalam Pengajaran dan Pembelajaran Bahasa Melayu (KOMSAS).
2. PR-000-L41421  
**Tuan Fong Kui Lun [ Bukit Bintang ]** minta **PERDANA MENTERI** menyatakan apakah sebab Kerajaan hanya memilih MMC - Gamuda untuk melaksanakan projek pembinaan MRT dari Sungai Buloh - Kajang yang berharga RM36 bilion dan bagaimanakah masalah-masalah yang timbul sepanjang laluan itu diselesaikan.
3. PR-000-L42727  
**Tuan Kamalanathan a/l Panchanathan [ Hulu Selangor ]** minta **MENTERI SUMBER MANUSIA** menyatakan dalam proses pengambilan pekerja asing yang mempunyai kepakaran bekerja di negara kita, adakah pekerja tempatan kita dipinggirkan. Bagaimana Kementerian dapat memastikan supaya pekerja tempatan diberi keutamaan.
4. PR-000-L41608  
**Dr. Michael Jeyakumar Devaraj [ Sungai Siput ]** minta **MENTERI KEWANGAN** menyatakan bilangan individu yang membayar cukai persendirian di Malaysia dan pecahan jumlah cukai yang dibayar oleh setiap 'decile' (10%) pembayar cukai persendirian.
5. PR-000-L41753  
**Datuk Mohd Nasir bin Ibrahim Fikri [ Kuala Nerus ]** minta **MENTERI KERJA RAYA** menyatakan apakah Kerajaan tidak bercadang untuk membuka semula pendaftaran Lesen Kelas F (PKK) untuk memberi peluang kepada usahawan baru.

6. PR-000-L41785  
**Datuk Chua Soon Bui [ Tawau ]** minta **PERDANA MENTERI** menyatakan :-
  - (a) Pelan Tindakan untuk menangani masalah jabatan-jabatan yang paling kerap sekali menjadi sasaran aduan orang awam kepada pihak polis dan Suruhanjaya Pencegahan Rasuah Malaysia (SPRM); dan
  - (b) adakah Kerajaan mempunyai sebarang pelan untuk menubuhkan sebuah pasukan tugas khas untuk memantau dan menjalankan penguatkuasaan terhadap pesalah secara berkesan.
7. PR-000-L41960  
**Datuk Aaron Ago Anak Dagang [ Kanowit ]** minta **MENTERI DALAM NEGERI** menyatakan anggaran pekerja asing di Sarawak yang sah dan tanpa izin mengikut negara asal dan bidang pekerjaan mereka. Apakah yang menyebabkan orang-orang tempatan tidak minat dalam bidang pekerjaan orang asing ini.
8. PR-000-L43067  
**Puan Teresa Kok Suh Sim [ Seputeh ]** minta **PERDANA MENTERI** menyatakan pihak manakah yang mempunyai kos pembinaan LRT dan MRT di Lembah Klang. Apakah Kementerian akan mengamalkan tender terbuka dalam semua kontrak Kerajaan dan macam manakah Kerajaan memastikan prinsip ketelusan pemberian kontrak Kerajaan dijalankan.
9. PR-000-L42219  
**Datuk Nur Jazlan Bin Mohamed [ Pulai ]** minta **MENTERI LUAR NEGERI** menyatakan status perbincangan dua hala mengenai perjanjian “*Points of Agreement*” antara Malaysia dan Singapura. Jelaskan isu-isu yang masih tertunggak dan implikasi kepada hubungan kedua negara sekiranya tempoh sah perjanjian “*Points of Agreement*” ini tamat.
10. PR-000-L43022  
**Dr. Lo' Lo' binti Mohamad Ghazali [ Titiwangsa ]** minta **PERDANA MENTERI** menyatakan bilakah sekolah menengah agama atau sekolah tahfiz akan dibina di Putrajaya dan kawasan Parlimen lain di Kuala Lumpur memandangkan sekolah-sekolah tersebut sangat berkurangan.
11. PR-000-L41974  
**Dato' Noraini binti Ahmad [ Parit Sulong ]** minta **MENTERI KESIHATAN** menyatakan apakah keputusan kajian ke atas eksperimen pelepasan nyamuk aedes jantan GM (*genetically modified*) yang dijalankan di Bentong, Pahang baru-baru ini dan adakah terdapat bukti yang konklusif bahawa ia boleh membantu mencegah pembiakan nyamuk aedes untuk mengurangkan kes-kes demam denggi di negara ini.

12. PR-000-L42388  
**Dato' Dr. Haji Mohd Hayati Bin Othman [ Pendang ]** minta **MENTERI SUMBER MANUSIA** menyatakan berapakah jumlah pampasan yang dibayar PERKESO kepada mangsa kemalangan kerja sepanjang tahun lepas dan bentuk serta jenis kemalangan yang terlibat.
13. PR-000-L42129  
**Tuan Mohd Nizar bin Zakaria [ Parit ]** minta **MENTERI KERJA RAYA** menyatakan sejauh manakah Kementerian Kerja Raya memantau dan mengawal Lembaga Arkitek Malaysia (LAM) dan Pertubuhan Arkitek Malaysia (PAM) dalam melaksanakan kaedah yang lebih adil untuk mengiktiraf Arkitek Graduan Melayu menjadi Arkitek Profesional sebagai tenaga profesional yang penting dalam membangunkan negara ke arah mentransformasi ekonomi.
14. PR-000-L42785  
**Dr. Haji Dzulkefly bin Ahmad [ Kuala Selangor ]** minta **MENTERI KEWANGAN** menyatakan apakah kedudukan PROTON dalam usaha mendapatkan rakan kongsi berjenama antarabangsa dengan kadar segera sebagai usaha persediaan membuka pasaran automotif sesuai dengan tuntutan AFTA.
15. PR-000-L42735  
**Dato' Lilah bin Yasin [ Jempol ]** minta **MENTERI PENERANGAN, KOMUNIKASI DAN KEBUDAYAAN** menyatakan :-
  - (a) apakah tahap semangat patriotik dan cintakan negara di kalangan rakyat Malaysia; dan
  - (b) apakah program Kementerian dalam membina nilai-nilai murni.
16. PR-000-L42559  
**Puan Teo Nie Ching [ Serdang ]** minta **MENTERI KESIHATAN** menyatakan sebab-sebab keruntuhan siling bumbung Hospital Serdang, kos untuk kerja pembaikpulihan, pihak yang menanggung kos pembaikpulihan dan langkah-langkah yang bakal diambil oleh Kementerian untuk menjamin tahap keselamatan struktur bangunan Hospital Serdang.
17. PR-000-L42205  
**Datuk Wee Jeck Seng [ Tanjong Piai ]** minta **MENTERI PENGAJIAN TINGGI** menyatakan IPTA yang mendapat pengecualian dalam peperiksaan ACCA kepada graduan Sarjana Muda Perakaunan serta setakat mana pengecualian tersebut diberikan.

18. PR-000-L42577  
**Tuan Kulasegaran A/L Murugeson [ Ipoh Barat ]** minta **MENTERI PELAJARAN** menyatakan bilangan SJKT yang mempunyai persekitaran yang tidak kondusif untuk suasana belajar dan apakah langkah atau tindakan yang akan diambil untuk mengatasi masalah tersebut.
19. PR-000-L42435  
**Dato' Sri Azalina binti Dato' Othman Said [ Pengerang ]** minta **MENTERI BELIA DAN SUKAN** menyatakan :-
  - (a) langkah dan perancangan yang diambil mengenai sukan-sukan yang mempunyai potensi untuk menyumbang pingat emas kepada negara; dan
  - (b) apakah Kerajaan bercadang memberikan peruntukan tambahan kepada sukan-sukan yang berpotensi untuk menyumbang pingat emas atau hanya memberikan keutamaan kepada 1-2 jenis sukan sahaja.
20. PR-000-L42155  
**Tuan Nga Kor Ming [ Taiping ]** minta **MENTERI PELAJARAN** menyatakan rasional dan sama ada terdapat langkah-langkah positif untuk memansuhkan surat pekeliling ikhtisas Kementerian tahun 1989 yang melarang pertukaran murid-murid dari Sekolah Kebangsaan (SK) ke Sekolah Jenis Kebangsaan (SJK) sedangkan kedua-dua aliran sekolah adalah sekolah Kerajaan.
21. PR-000-L41545  
**Tuan Salleh bin Kalbi [ Silam ]** minta **MENTERI PERTAHANAN** menyatakan jumlah pelatih yang memohon secara sukarela untuk mengikuti Program Latihan Khidmat Negara (PLKN) bagi tahun 2010 dan 2011 dan nyatakan kriteria pemilihan bagi mengikuti latihan PLKN berkenaan.
22. PR-000-L42048  
**Tuan Saifuddin Nasution bin Ismail [ Machang ]** minta **PERDANA MENTERI** menyatakan apakah strategi baru yang digunakan oleh Unit Peneraju Agenda Bumiputera (TERAJU) agar kegagalan agensi yang bertindak membela Bumiputera sebelum ini tidak diulangi oleh unit ini.
23. PR-000-L41198  
**Dato' Sri Haji Zulhasnan bin Rafique [ Setiawangsa ]** minta **MENTERI SUMBER MANUSIA** menyatakan jumlah mereka yang menganggur dan diberhentikan kerja pada lima tahun kebelakangan ini dan tahap pelaksanaan Skim Latihan Semula Siswazah dan golongan mereka yang diberhentikan kerja yang dilaksanakan oleh Kementerian.
24. PR-000-L42834  
**Dato' Kamarudin Bin Jaffar [ Tumpat ]** minta **MENTERI LUAR NEGERI** menyatakan peranan Malaysia dalam menyelesaikan isu Palestin dan setakat mana pencapaiannya.

25. PR-000-L41355  
**Ir. Haji Hamim Bin Samuri [ Ledang ]** minta **MENTERI KESIHATAN** menyatakan apakah rancangan Kerajaan seterusnya dalam menaikkan taraf perkhidmatan kesihatan Klinik seperti Klinik Desa di Kg Teluk Rimba, Ledang yang hanya menyediakan jururawat masyarakat gred U19 yang terpaksa melayan 1500 penduduk di Kampung tersebut dan sekelilingnya.
26. PR-000-L42795  
**Puan Hajah Fuziah binti Salleh [ Kuantan ]** minta **PERDANA MENTERI** menyatakan bilakah data-data dalam Jabatan Perangkaan Malaysia akan dapat disimpan dalam bentuk data tidak terkumpul (*disaggregated data*) untuk tujuan analisa dan sama ada terdapat peruntukan kewangan disediakan untuk pisahkan (*disaggregate*) data yang sedia ada.
27. PR-000-L41535  
**Dato' Shamsul Anuar bin Nasarah [ Lenggong ]** minta **MENTERI PELAJARAN** menyatakan jumlah taburan guru mengikut pengkhususan di seluruh negara :-
- (a) benarkah berlaku lebihan guru-guru Sains dan Matematik dan juga berlaku pengurangan guru dalam bidang tertentu sehingga menyebabkan ada guru terpaksa mengajar di luar bidang kepakarannya; dan
  - (b) penggunaan data e-Kasih dalam pemberian bantuan di sekolah-sekolah menimbulkan pelbagai masalah, adakah Kementerian merancang kaedah pemilihan yang lain.
28. PR-000-L42633  
**Tuan Haji Ahmad bin Kasim [ Kuala Kedah ]** minta **MENTERI SUMBER ASLI DAN ALAM SEKITAR** menyatakan berapakah jumlah saman yang telah dikeluarkan bagi kes pembakaran terbuka mengikut Akta Kualiti Alam Sekitar 1974 yang melibatkan industri, orang perseorangan atau pemilik sawah padi bagi tahun 2000 hingga 2010.
29. PR-000-L41174  
**Datuk Seri Panglima Abdul Ghapur Bin Haji Salleh [ Kalabakan ]** minta **MENTERI PENERANGAN, KOMUNIKASI DAN KEBUDAYAAN** menyatakan apakah Kementerian merancang untuk membenarkan rakyat khususnya di luar bandar menggunakan parabola memandangkan pada zaman siber ini dunia sudah tidak lagi bersempadan dalam segi maklumat dan komunikasi.
30. PR-000-L42759  
**Puan Hajah Zuraida binti Kamaruddin [ Ampang ]** minta **MENTERI PEMBANGUNAN WANITA, KELUARGA DAN MASYARAKAT** menyatakan apakah wujud suatu polisi kerjasama antara Kementerian dengan Kementerian Perumahan dan Kerajaan Tempatan (KPKT) dalam program-program pemberdayaan dan pembangunan masyarakat setempat.

31. PR-000-L42660  
**Dato' Dr. Mohamad Shahrum bin Osman [ Lipis ]** minta **MENTERI KEMAJUAN LUAR BANDAR DAN WILAYAH** menyatakan berapa jumlah usahawan setakat ini yang mendapat manfaat di bawah Skim Pembiayaan Ekonomi Desa (SPED) di luar bandar.
32. PR-000-L42114  
**Tuan Charles Anthony A/L R.Santiago [ Klang ]** minta **MENTERI PERDAGANGAN ANTARABANGSA DAN INDUSTRI** menyatakan :-
  - (a) jumlah pekerjaan baru yang diwujudkan; dan
  - (b) jumlah pelaburan baru yang datang ke Malaysia dan sektor berkenaan selepas menandatangani perjanjian ASEAN-China FTA.
33. PR-000-L41705  
**Datuk Haji Mohamed Bin Haji Aziz [ Sri Gading ]** minta **PERDANA MENTERI** menyatakan apakah tindakan yang boleh diambil ke atas kenyataan 'fatwa songsang' Nik Aziz yang mengelirukan serta bercanggah dengan ajaran Islam sebenar.
34. PR-000-L42243  
**Tuan Gwo-Burne Loh [ Kelana Jaya ]** minta **MENTERI DALAM NEGERI** menyatakan statistik terperinci punca dan tahap kecederaan anggota polis yang ditembak mati dan dicedera oleh penjenayah dari tahun 2000 sehingga 2010 dalam pecahan punca-punca kematian seperti yang dinyatakan oleh Menteri di Parlimen melalui jawapan Parlimen Ahli Parlimen Kelana Jaya pada 13 November 2010.
35. PR-000-L41345  
**Dato' Sri Ir. Mohd Zin bin Mohamed [ Sepang ]** minta **PERDANA MENTERI** menyatakan apakah Kerajaan berhasrat untuk meneruskan projek-projek kritikal yang tidak tersenarai di dalam RMKe-10 di beberapa kawasan Parlimen memandangkan ia memberi kesan yang amat ketara kepada pembangunan kawasan tersebut dan wajar diteruskan kerana memberi manfaat jangka panjang kepada proses transformasi ekonomi negara.
36. PR-000-L41665  
**Dato' Rashid bin Din [ Merbok ]** minta **MENTERI PERDAGANGAN ANTARABANGSA DAN INDUSTRI** menyatakan apakah elemen dalam Dasar Automotif Nasional yang telah mengakibatkan pengeluaran kilang motosikal nasional di Gurun hanya dapat mengeluarkan 50 peratus (lebih kurang) daripada kemampuan kilang.
37. PR-000-L41188  
**Tuan Teng Boon Soon [ Tebrau ]** minta **MENTERI PERTANIAN DAN INDUSTRI ASAS TANI** menyatakan sebab-sebab tidak mengharamkan penjualan *sharks fin soup* di restoran demi membantu usaha sejagat menyelamatkan ikan jerung yang sedang menghadapi nasib kepupusan kerana pembunuhan yang kejam oleh manusia.

38. PR-000-L41762  
**Puan Chong Eng [ Bukit Mertajam ]** minta **MENTERI PELAJARAN** menyatakan jumlah peruntukan untuk membina dan menaik taraf sekolah-sekolah rendah pada tahun 2011, nyatakan amaun mengikut jenis aliran sekolah.
39. PR-000-L41286  
**Datuk Md.Sirat bin Abu [ Bukit Katil ]** minta **MENTERI PERDAGANGAN ANTARABANGSA DAN INDUSTRI** menyatakan apakah cadangan insentif dan galakan terhadap pelabur tempatan untuk meningkatkan penanaman modal dalam negara seperti yang diperoleh oleh pelabur asing.
40. PR-000-L41430  
**Datuk Eric Enchin Majimbun [ Sepanggar ]** minta **MENTERI DALAM NEGERI** menyatakan dengan jelas butiran dianuti selain daripada agama Islam yang tidak dibuktikan dalam dokumen MyKad dan jumlah permohonan yang mendapat kelulusan untuk pembetulan catatan agama mereka di setiap negeri.
41. PR-000-L42496  
**Dato' Henry Sum Agong [ Lawas ]** minta **MENTERI PENGAJIAN TINGGI** menyatakan sama ada pelajar-pelajar yang terperangkap dalam rusuhan di Mesir akan dibenarkan meneruskan pengajian mereka di negara itu apabila keadaan sudah kembali pulih.
42. PR-000-L42390  
**Dr. Mohd Hatta bin Md Ramli [ Kuala Krai ]** minta **MENTERI PELAJARAN** menyatakan :-
- (a) sama ada Kerajaan telah sebelumnya meneliti novel Interlok sebelum dicadangkan sebagai buku teks wajib; dan
  - (b) sama ada Kerajaan telah mendapatkan persetujuan penulis novel Interlok untuk meminda sebahagian isi kandungannya bagi membolehkan buku itu terus dijadikan bahan bacaan wajib di sekolah.
43. PR-000-L41677  
**Datuk Haji Baharum Bin Mohamed [ Sekijang ]** minta **MENTERI PENGANGKUTAN** menyatakan berapakah kerugian yang dialami oleh Keretapi Tanah Melayu akibat daripada banjir besar yang berlaku di Johor pada akhir Januari 2011.
44. PR-000-L42784  
**Dr. Siti Mariah Binti Mahmud [ Kota Raja ]** minta **MENTERI DALAM NEGERI** menyatakan sejauh mana penggunaan kekerasan dibenarkan kepada anggota polis terhadap orang ramai apabila enggan menurut arahan atau semasa menyiasat orang kena tuduh sebelum ia dikategorikan sebagai keganasan dan dikira menyalahi etika polis. Siapakah yang memantau pihak polis untuk memastikan anggotanya mematuhi etika kepolisan bersabit dengan perkara ini.

45. PR-000-L41874

**Dato' Seri Mohd. Radzi bin Sheikh Ahmad [ Kangar ]** minta **MENTERI KERJA RAYA** menyatakan tidakkah pihak Kementerian bercadang untuk menggubal satu akta bagi membolehkan para petugas lelaki Islam syarikat-syarikat konsesi tol lebuh raya di seluruh negara agar dapat menunaikan solat Jumaat sekurang-kurangnya sekali dalam tempoh tiga minggu sebagai memenuhi syarat yang ditetapkan oleh syariat Islam.

46. PR-000-L41953

**Tuan Sim Tong Him [ Kota Melaka ]** minta **MENTERI PERDAGANGAN ANTARABANGSA DAN INDUSTRI** menyatakan :-

- (a) jumlah FDI yang diterima oleh setiap negeri bagi tempoh lima tahun dari 2005 hingga 2010 dan untuk masa yang sama, berapa jumlah FDI yang sedia ada keluar dari negara kita; dan
- (b) bagaimanakah kita dapat memantau operasi dan kegiatan-kegiatan FDI ini.

47. PR-000-L43001

**Tuan Haji Mohd Nor bin Othman [ Hulu Terengganu ]** minta **MENTERI PENGANGKUTAN** menyatakan langkah-langkah yang diambil untuk memajukan Lapangan Terbang Sultan Mahmud Kuala Terengganu.

48. PR-000-L41562

**Tuan John A/L Fernandez [ Seremban ]** minta **MENTERI DALAM NEGERI** menyatakan :-

- (a) apakah hasil siasatan bagi kes kemalangan jalan raya yang menyebabkan kematian mendiang YB. Datuk Ir. Edmund Chong Ket Wah (bekas ADR Batu Sapi); dan
- (b) adakah terdapat mana-mana individu yang ditahan untuk disoal siasat dan adakah terdapat mana-mana individu yang dituduh di mahkamah di bawah Seksyen 41(1) Akta Pengangkutan Jalan 1987 atau di bawah mana-mana akta.

49. PR-000- L42987

**Tuan Haji Ahmad Lai bin Bujang [ Sibuti ]** minta **MENTERI PELAJARAN** menyatakan mengapakah blok asrama tingkat 2 Sekolah Menengah Kebangsaan Agama Miri masih belum dibaik pulih walaupun hampir 2 tahun dalam keadaan begitu.

50. PR-000-L42972  
**Puan Siti Zailah binti Mohd. Yusoff [ Rantau Panjang ]** minta **MENTERI PEMBANGUNAN WANITA, KELUARGA DAN MASYARAKAT** menyatakan berapa ramai penerima bantuan kebijakan masyarakat yang telah berjaya dipulihkan daripada kemiskinan tegar mengikut negeri-negeri seluruh negara.
51. PR-000-L41908  
**Dato' Ismail bin Kasim [ Arau ]** minta **PERDANA MENTERI** menyatakan apakah prestasi Model Baru Ekonomi setakat ini mengikut sektor dan bagaimana ia dapat diperkembangkan lagi terutama dalam penjanaan aktiviti ekonomi dalam terutama untuk menjana pendapatan tinggi bagi rakyat Malaysia.
52. PR-000-L41812  
**Tuan Manogaran a/l Marimuthu [ Telok Intan ]** minta **MENTERI DALAM NEGERI** menyatakan :-
- (a) apakah maklumat yang ada pada pihak polis dan Kementerian tentang kumpulan haram (*gangsters*) yang beroperasi di seluruh negara di bawah nombor dan kod seperti 18, 24,36 dan sebagainya; dan
  - (b) Kumpulan haram ini mengutip wang (*protection money*) daripada orang ramai termasuk peniaga di kawasan yang mereka operasi. Adakah pihak polis tahu tentang hal ini dan apakah tindakan yang diambil.
53. PR-000-L43006  
**Tuan Hasbi bin Habibollah [ Limbang ]** minta **MENTERI PENGANGKUTAN** menyatakan dapatkah Kerajaan membenarkan penghantaran apa-apa juga kargo daripada Semenanjung Malaysia ke Limbang melalui Pelabuhan Muara di negara Brunei Darussalam memandangkan ia hanya 60km dari pekan Limbang, dibandingkan dengan pelabuhan Bintulu, Sarawak yang jaraknya lebih kurang 500km dari Pekan Limbang.
54. PR-000-L41219  
**Dato' Kamarul Baharin bin Abbas [ Telok Kemang ]** minta **MENTERI KEWANGAN** menyatakan kenapa KWSP hanya membayar separuh daripada hak yang dituntut oleh pencarum apabila sudah sampai masa yang membolehkan simpanan dikeluarkan sepenuhnya.
55. PR-000-L42314  
**Dato' Sri Ir. Ong Tee Keat [ Pandan ]** minta **MENTERI PENGANGKUTAN** menyatakan sebabnya alat *speed limiter* masih tidak diwajibkan pemasangannya di kenderaan bas yang sedia ada.

56. PR-000-L41593  
**Tuan Tan Kok Wai [ Cheras ]** minta **PERDANA MENTERI** menyatakan mengapakah semasa Konsep 1Malaysia sedang disemarakkan dalam hati sanubari rakyat, Kerajaan membenarkan penubuhan Unit Peneraju Agenda Bumiputera (TERAJU) sedangkan Model Baru Ekonomi menerusi Program Transformasi Ekonomi belum pasti mampu untuk membangunkan ekonomi negara dan belum pasti memberikan keadilan kepada rakyat seluruhnya.
57. PR-000-L41285  
**Dato' Abdul Manan bin Ismail [ Paya Besar ]** minta **MENTERI KESIHATAN** menyatakan adakah Kerajaan berhasrat untuk memajukan fasiliti, kemudahan perubatan serta teknologi hospital kerajaan di pinggir bandar memandangkan teknologi yang sedia ada lebih bertumpu di kawasan-kawasan bandar dan kebanyakannya rakyat di kawasan bandar tergolong daripada mereka yang lebih gemar mendapatkan rawatan di hospital-hospital swasta berbanding penduduk pinggir bandar yang lebih bertumpu kepada hospital Kerajaan.
58. PR-000-L41825  
**Tuan Jeff Ooi Chuan Aun [ Jelutong ]** minta **MENTERI PENGAJIAN TINGGI** menyatakan apakah peruntukan sumber kewangan dalam kegiatan Kementerian untuk mempromosikan bidang kajian Melayu di dunia antarabangsa menerusi institusi-institusi ilmiah seperti *The European Chair for Malay Studies di Leiden University, The Netherlands*, yang dipelopori oleh Profesor Dr Salleh Yaapar pada 1993.
59. PR-000-L41149  
**Tan Sri Datuk Seri Dr. Fong Chan Onn [ Alor Gajah ]** minta **PERDANA MENTERI** menyatakan berapa banyak peluang pekerjaan telah diwujudkan sejak pelaksanaan *Economic Transformation Programme* menurut kategori individu pendapatan tinggi, sederhana dan rendah dan apakah julat pendapatan mengikut kategori-kategori ini.
60. PR-000-L41764  
**Dr. Mujahid bin Haji Yusof Rawa [ Parit Buntar ]** minta **MENTERI SUMBER MANUSIA** menyatakan tentang keadaan pekerja buruh asing Muslim yang dikatakan tidak diberi kebenaran oleh majikan apabila tiba waktu untuk menunaikan solat, sejauh manakah kebenaran dakwaan ini.
61. PR-000-L43043  
**Datuk Hajah Norah binti Abd Rahman [ Tanjong Manis ]** minta **PERDANA MENTERI** menyatakan adakah Kementerian merancang untuk membina baru atau memperbesarkan Masjid India di Jalan Masjid India, Kuala Lumpur memandangkan setiap Hari Jumaat terlalu ramai orang mengerjakan solat Jumaat sehingga bersolat di atas jalan raya.

62. PR-000-L41509  
**Dr. Che Rosli bin Che Mat [ Hulu Langat ]** minta **MENTERI TENAGA, TEKNOLOGI HIJAU DAN AIR** menyatakan :-
- (a) status terkini pengagihan tenaga dari tenaga hidro Bakun; dan
  - (b) status terkini penjanaan tenaga dari *biomass* dan solar.
63. PR-000-L42356  
**Tuan Abdullah Sani bin Abdul Hamid [ Kuala Langat ]** minta **MENTERI SUMBER MANUSIA** menyatakan pindaan terhadap Akta PERKESO yang tidak relevan lagi dengan kesesuaian keadaan sekarang yang mana tuntutan mereka sukar diperoleh.
64. PR-000-L42696  
**Tuan Er Teck Hwa [ Bakri ]** minta **MENTERI TENAGA, TEKNOLOGI HIJAU DAN AIR** menyatakan kadar tarif air, perbelanjaan, pendapatan dan keuntungan setiap syarikat air mengikut negeri setiap tahun dari tahun 2006-2010. Apakah perancangan kerajaan pusat untuk mengambil alih konsesi bekalan air daripada kerajaan negeri supaya tarif air dapat diselaraskan demi kepentingan rakyat.
65. PR-000-L42089  
**Tuan Tan Tee Beng [ Nibong Tebal ]** minta **PERDANA MENTERI** menyatakan adakah apa-apa kajian dijalankan untuk mengenal pasti sebab-sebab kenapa sistem "*Light Rapid Transit*" STAR, PUTRA dan Monorail di Kuala Lumpur gagal untuk mengurangkan kesesakan lalu lintas di bandar raya ini dan sekiranya ada, apakah hasil kajian itu.
66. PR-000-L41482  
**Tuan Khalid bin Abdul Samad [ Shah Alam ]** minta **MENTERI PELAJARAN** menyatakan apakah status projek pembinaan Sekolah Rendah Kebangsaan di kawasan U10 Shah Alam.

## **ATURAN URUSAN MESYUARAT DAN USUL-USUL**

1. **Usul dibuat oleh Yang Berhormat Datuk Wira Ahmad bin Haji Hamzah [ Jasin ] dan masalah dicadangkan :-**

“ Bahawa suatu ucapan yang tidak seperti dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersempahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Tuanku semasa membuka Penggal Keempat Parlimen Yang Kedua Belas.”

**Menyambung semula Perbahasan atas masalah (23 Mac, 2011)**

2. (D.R. 6/2011) Rang Undang-undang Perbekalan Tambahan (2010) 2011. **Bacaan Kali Yang Kedua**  
**[ Kementerian Kewangan ]**

**DAN**

**Menteri Kewangan akan mencadangkan :-**

“Bahawa Dewan ini mengikut subseksyen 4(3) Akta Kumpulan Wang Pembangunan 1966, membuat ketetapan bahawa jumlah wang tambahan sebanyak satu bilion sembilan ratus empat puluh enam juta lima ratus sembilan puluh lapan ribu enam ratus lapan ringgit (RM1,946,598,608) diperuntukkan daripada Kumpulan Wang dan Butiran-butiran (Projek-projek) seperti yang dinyatakan dalam ruang pertama dan kedua penyata Anggaran Perbelanjaan Pembangunan Tambahan Kedua, 2010 yang dibentangkan sebagai Kertas Perintah 2 Tahun 2011 dan yang disenaraikan di sebelah Maksud-maksud dan Butiran-butiran (Projek-projek) dalam ruang kesebelas dan kedua belas penyata tersebut.”

3. (D.R. 47/2010) Rang Undang-undang Tenaga Boleh Baharu 2010 **Bacaan Kali Yang Kedua**  
**[ Kementerian Tenaga, Teknologi Hijau dan Air ]**

4. (D.R. 43/2010) Rang Undang-undang Pihak Berkuasa Pembangunan Tenaga Lestari 2010 “  
**[ Kementerian Tenaga, Teknologi Hijau dan Air ]**
5. (D.R. 34/2010) Rang Undang-undang Juruanalisis Makanan 2010 “  
**[ Kementerian Kesihatan ]**
6. (D.R. 38/2010) Rang Undang-undang Perkapalan Saudagar (Pindaan dan Peluasan) 2010 “  
**[ Kementerian Pengangkutan ]**
7. (D.R. 39/2010) Rang Undang-undang Perkapalan Saudagar (Pencemaran Minyak) (Pindaan) 2010 “  
**[ Kementerian Pengangkutan ]**
8. (D.R. 42/2010) Rang Undang-undang Timbang Tara (Pindaan) 2010 “  
**[ Perdana Menteri ]**
9. (D.R. 44/2010) Rang Undang-undang Perkhidmatan Kuarantin dan Pemeriksaan Malaysia 2010 “  
**[ Kementerian Pertanian dan Industri Asas Tani]**
10. (D.R. 46/2010) Rang Undang-undang Hak Cipta (Pindaan) 2010 “  
**[ Kementerian Perdagangan Dalam Negeri, Koperasi dan Kepenggunaan ]**
11. (D.R. 30/2010) Rang Undang-undang Penilai, Pentaksir Dan Ejen Harta Tanah (Pindaan) 2010 “  
**[ Kementerian Kewangan ]**
12. (D.R. 48/2010) Rang Undang-undang Maktab Kerjasama (Perbadanan) (Pindaan) 2010 “  
**[ Kementerian Perdagangan Dalam Negeri, Koperasi dan Kepenggunaan ]**

13. (D.R. 45/2010) Rang Undang-undang Perbadanan Pembangunan Kampong Bharu 2010 “  
**[ Kementerian Wilayah Persekutuan dan Kesejahteraan Bandar ]**
14. (D.R. 2/2011) Rang Undang-undang Penggalakan Pelaburan (Pindaan) 2011 “  
**[ Kementerian Perdagangan Antarabangsa dan Industri ]**
15. (D.R. 1/2011) Rang Undang-undang Veteran 2011 “  
**[ Kementerian Pertahanan ]**
16. (D.R. 3/2011) Rang Undang-undang Institut Sukan Negara 2011 “  
**[ Kementerian Belia dan Sukan ]**
17. (D.R. 5/2011) Rang Undang-undang Saraan Hakim (Pindaan) 2011 “  
**[ Perdana Menteri ]**
18. (D.R. 4/2011) Rang Undang-undang (Larangan) Kumpulan Wang Kutu (Pindaan) 2011 “  
**[ Kementerian Perdagangan Dalam Negeri, Koperasi dan Kepenggunaan ]**
19. (D.R. 37/2009) Rang Undang-undang Cukai Barang dan Perkhidmatan 2009 “  
**[ Kementerian Kewangan ]**
20. PR-000-U41523  
**Menteri Kewangan** akan mencadangkan:-

"Bahawa Dewan ini mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan melalui Menteri Kewangan (Pemerbadanan) membuat pelaburan dengan memperoleh sejumlah 10,000,000 unit saham biasa Danalntra Nasional Berhad, sebuah syarikat yang dimiliki sepenuhnya oleh Menteri Kewangan (Pemerbadanan) pada nilai RM1 bagi satu unit saham."

21. PR-000-U41523

**Menteri Kewangan** akan mencadangkan:-

"Bahawa Dewan ini mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM15,500 juta wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut."

22. PR-000-U41312

**Datuk Dr. Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa sejak akhir-akhir ini, negara kita sering dilanda bencana banjir kilat yang bukan sahaja mendatangkan kerugian kepada rakyat dan negara, malah terdapat juga kehilangan nyawa. Dan mengambil maklum bahawa sebahagian besar punca berlakunya bencana banjir kilat ini disebabkan oleh aktiviti manusia sendiri, di mana sungai-sungai, saliran-saliran dan kolam-kolam takungan air telah menjadi cetek disebabkan oleh mendapan lumpur dan pasir. Dan mengambil maklum juga bahawa mendapan lumpur dan pasir-pasir di tempat-tempat yang disebutkan tadi adalah disebabkan oleh aktiviti manusia sendiri, misalnya penimbusan tanah secara terbuka, pembangunan tidak terancang, pembukaan ladang-ladang dan lain-lain lagi aktiviti pembangunan. Dan mengambil maklum bahawa dalam banyak kes, laporan kesan alam sekitar (EIA) tidak disediakan langsung atau tidak dipatuhi. Maka dengan ini Dewan hendaklah mengambil ketetapan untuk meminta Kerajaan melalui Kementerian yang berkaitan untuk meminda mana-mana akta yang perlu bagi menguatkuaskan peraturan sedia ada atau peraturan baru bagi mengatasi masalah yang mendatangkan kerugian besar kepada negara dan rakyat ini."

**(Menteri Sumber Asli dan Alam Sekitar)**

23. PR-000-U41326

**Datuk Dr. Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa terdapat banyak tanah-tanah perkuburan yang tidak terurus atau dikendalikan dengan baik, di mana ianya tidak disusun dengan rapi yang menyebabkan banyak kawasan kubur yang tidak dapat digunakan. Dan mengambil maklum bahawa kos penyelenggaraan dan pemuliharaan tanah perkuburan kian meningkat, banyak tanah perkuburan yang terbiar dan menjadi seperti kawasan belukar. Dan mengambil maklum juga bahawa kebanyakan tanah perkuburan tidak dijaga ataupun diselia dengan baik kecuali sesetengah tanah perkuburan yang ditadbir oleh badan JKKK atau JK tanah perkuburan di kampung yang berkaitan.

Dan mengambil maklum juga bahawa pada ketika ini belum ada mana-mana peraturan sedia ada yang memastikan satu-satu tanah perkuburan diselenggara atau dijaga dengan baik bagi memastikan ianya sentiasa bersih dan terpelihara. Maka dengan ini Dewan hendaklah mengambil ketetapan untuk meminta Kerajaan untuk menubuhkan satu lembaga atau yayasan yang akan bertanggungjawab untuk menyelenggara dan menyelia tanah-tanah perkuburan di seluruh negara agar ianya sentiasa terpelihara sama ada dari segi kesihatan, kebersihan mahupun keindahan."

**(Menteri Sumber Asli dan Alam Sekitar)**

24. PR-000-U41335

**Datuk Dr. Marcus Mojigoh [ Putatan ]** akan mencadangkan:-

" Bahawa Dewan ini mengambil maklum bahawa masalah tanah terbiar kian berleluasa. Dan mengambil maklum bahawa masalah bukan sahaja tidak mendatangkan sebarang hasil kepada pemilik tanah tersebut, malah ianya akan mendatangkan masalah lain seperti tempat pembiakan nyamuk aedes, ular, tikus dan sebagainya yang boleh mendatangkan berbagai jenis penyakit. Dan mengambil maklum juga bahawa perkara ini berlaku kerana beberapa sebab misalnya si pemilik tidak mampu untuk mengusahakan tanah tersebut , tanah tersebut terlalu kecil keluasannya, keluasan tanah yang tidak mencukupi bagi syarikat besar seperti FELCRA untuk mengusahakannya dan lain-lain sebab lagi. Maka dengan ini Dewan hendaklah mengambil ketetapan untuk meminta Kerajaan untuk menggubal satu akta atau peraturan di mana ianya akan dapat mendorong atau memastikan bahawa pemilik tanah-tanah terbiar tersebut untuk mengusahakannya. Di samping itu, menubuhkan satu koperasi bagi memajukan tanah-tanah tersebut dengan dana disumbangkan oleh syarikat swasta (di bawah Program CSR) dan Kerajaan."

**(Menteri Sumber Asli dan Alam Sekitar)**

25. PR-000-U41341

**Datuk Dr. Marcus Mojigoh [ Putatan ]** akan mencadangkan:-

" Bahawa Dewan ini mengambil maklum bahawa masalah kebanyakan benteng sungai-sungai di pekan-pekan utama dibina dengan konkrit. Dan mengambil maklum bahawa sungai-sungai konkrit ini bukan sahaja tidak mesra alam, tumbuhan yang lazimnya tumbuh di tebing-tebing sungai juga tidak dapat tumbuh. Dan mengambil maklum juga bahawa sungai-sungai konkrit ini juga tidak memberikan ruang bagi ikan-ikan di sungai untuk meletakkan telur mereka dan membiak, seperti mana lazimnya berlaku di sungai-sungai semulajadi.

Maka dengan ini Dewan hendaklah mengambil ketetapan untuk meminta Kerajaan untuk menambah mana-mana peraturan sedia ada, supaya benteng-benteng sungai dibina dengan menggunakan cerucuk kayu keras ataupun "*interlocking bricks*" bagi membolehkan rerumput tumbuh dan juga ikan-ikan bertelur dan membiak (sebagaimana yang dibina di bandar Sibu, Sarawak). Kaedah ini adalah lebih mesra alam di samping mengekalkan flora dan fauna serta kehidupan marin sungai tersebut."

**(Menteri Sumber Asli dan Alam Sekitar)**

26. PR-000-U41523

**Dr. Tan Seng Giaw [ Kepong ]** akan mencadangkan:-

"Bahawa Dewan ini membahaskan faktor-faktor seperti inflasi, dasar yang tidak adil, keadaan hak asasi, kedudukan kekurangan kebebasan media yang menjelaskan kehidupan rakyat. Bahawa Dewan ini juga membincangkan apakah perbezaan di antara Malaysia berbanding dengan negara Mesir yang mengalami pemberontakan 'bunga melati' moden."

**(Perdana Menteri)**

27. PR-000-U41525

**Dr. Tan Seng Giaw [ Kepong ]** akan mencadangkan:-

"Bahawa Dewan ini mendebatkan keperluan untuk mengkaji secara menyeluruh kekurangan kualiti sesetengah doktor di negara ini serta cara-cara untuk mengatasinya. Dewan ini juga membicarakan sebab-musabab Majlis Perubatan Malaysia tidak dapat mengawal dengan berkesan standard graduan perubatan lebih 3,500 orang setiap tahun."

**(Menteri Kesihatan)**

28. PR-000-U43074

**Puan Teresa Kok Suh Sim [ Seputeh ]** akan mencadangkan:-

"Bahawa Dewan ini mengambil keputusan untuk membenarkan siaran langsung sidang Dewan Rakyat melalui televisyen supaya rakyat boleh menonton ucapan para ahli berhormat dan proses Dewan Rakyat membuat keputusan terhadap dasar dan undang-undang."

**(Menteri Penerangan, Komunikasi dan Kebudayaan)**

29. PR-000-U43075

**Puan Teresa Kok Suh Sim [ Seputeh ]** akan mencadangkan:-

"Bahawa Dewan ini mengambil keputusan untuk memulihkan Pilihanraya Kerajaan Tempatan demi menjadikan perkhidmatan Kerajaan tempatan di negara kita lebih berkesan di samping memulangkan hak kepada rakyat untuk memilih Datuk Bandar dan ahli Majlis Kerajaan Tempatan."

**(Menteri Perumahan dan Kerajaan Tempatan)**

30. PR-000-U43076

**Puan Teresa Kok Suh Sim [ Seputeh ]** akan mencadangkan:-

"Bahawa Dewan ini mengambil keputusan untuk mendesak Kerajaan untuk melaksanakan kempen kitar semula dan kempen pengurangan penggunaan plastik dengan lebih gigih demi memelihara kebersihan alam sekitar."

**(Menteri Perumahan dan Kerajaan Tempatan)**

31. PR-000-U43077

**Puan Teresa Kok Suh Sim [ Seputeh ]** akan mencadangkan:-

"Bahawa Dewan ini mengambil keputusan untuk mengembalikan Akta Perkhidmatan Parlimen yang telah dimansuhkan pada tahun 1993 sebagai langkah untuk menjadikan Parlimen Malaysia sebagai Parlimen Dunia Pertama."

**(Perdana Menteri)**

32. PR-000-U43078

**Puan Teresa Kok Suh Sim [ Seputeh ]** akan mencadangkan:-

"Bahawa Dewan ini menyokong cadangan Suruhanjaya DiRaja Pembaikan Perjalanan dan Pengurusan PDRM dan YAB Perdana Menteri untuk menubuhkan Suruhanjaya Bebas dan Salah Laku Polis (IPCMC)."

**(Menteri Dalam Negeri)**

33. PR-000-U41480

**Datuk Eric Enchin Majimbun [ Sepanggar ]** akan mencadangkan:-

"Bahawa Dewan Yang Mulia ini menetapkan dan membincangkan mengenai perjanjian di antara pihak Petronas dengan Kerajaan negeri Sabah dan Persekutuan berkaitan cari gali minyak yang bukan sahaja mengandungi minyak mentah tetapi juga terdapat bahan-bahan lain seperti gas agar pihak-pihak yang berkenaan dapat menentukan dasar dan cara untuk meneliti dan mengkaji semula hasil galian tersebut demi untuk kebaikan bersama".

**(Perdana Menteri)**

34. PR-000-U41484

**Datuk Eric Enchin Majimbun [ Sepanggar ]** akan mencadangkan:-

"Bahawa Dewan Yang Mulia ini menetapkan dan meluluskan supaya kakitangan Kerajaan yang ditugaskan oleh SPR semasa pilihan raya berlangsung dan mereka yang bertugas di luar kawasan pada ketika itu termasuklah anggota polis, tentera dan sebagainya yang membuang undi secara undi pos seharusnya mengundi dengan sebebas-bebasnya tanpa dipengaruhi atau diarah oleh mana-mana pihak. Para pengundi pos ini mesti dan haruslah membuang undi untuk calon dari kediaman asal atau alamat tetapnya dan bukan di kawasan di mana pengundi itu bertugas."

**(Perdana Menteri)**

35. PR-000-U41490

**Datuk Eric Enchin Majimbun [ Sepanggar ]** akan mencadangkan:-

"Bahawa Dewan Yang Mulia ini membincangkan dengan seriusnya mengenai kemuliaan rakyat negara kita sebagai Rakyat Malaysia dengan suku-suku kaum masing-masing dan bukan hanya dengan sebutan suku kaum Melayu, Cina, India dan lain-lain yang jelas mengetepikan suku-suku kaum dari Sabah dan Sarawak. Keadaan tersebut merupakan satu penghinaan bagi kaum-kaum dari Sabah dan Sarawak yang dicatat sebagai 'lain-lain' dalam borang-borang pentadbiran Kerajaan yang perlu dicatat sejelas-jelasnya mengikut suku bangsa rakyat Malaysia yang telah wujud sekian lama di negara ini."

**(Menteri Dalam Negeri)**

36. PR-000-U41436

**Tuan Fong Kui Lun [ Bukit Bintang ]** akan mencadangkan:-

"Bahawa Pilihanraya Kerajaan Tempatan hendaklah dipulihkan semula bagi melengkapi sistem demokrasi di Malaysia dan mengembalikan hak rakyat untuk memilih perwakilan mereka sendiri dalam Kerajaan Tempatan".

**(Menteri Perumahan dan Kerajaan Tempatan)**

37. PR-000-U41440

**Tuan Fong Kui Lun [ Bukit Bintang ]** akan mencadangkan:-

"Bahawa Dewan ini membuat ketetapan supaya Kerajaan menyalurkan peruntukan tahunan kepada Ahli-Ahli Parlimen Pakatan Rakyat yang mewakili kawasan-kawasan yang dimenangi sebagaimana yang diberikan kepada wakil-wakil rakyat BN, supaya peruntukan dapat disalurkan untuk manfaat pengundi dan kawasan yang diwakili, sepertimana yang diamalkan di negara Taiwan. Langkah menyekat peruntukan tahunan wakil rakyat PR sebenarnya adalah satu diskriminasi politik ke atas para pengundi dan rakyat keseluruhannya dan sekatan amalan demokrasi sendiri".

**(Perdana Menteri)**

38. PR-000-U41442

**Tuan Fong Kui Lun [ Bukit Bintang ]** akan mencadangkan:-

"Bahawa Dewan ini membuat ketetapan supaya Kementerian Pelajaran menyemak dan menyusun semula sukanan pelajaran subjek Sejarah Malaysia bagi memasukkan input yang tertinggal supaya ia lebih komprehensif, terbuka dan menjadi menarik untuk dipelajari".

**(Menteri Pelajaran)**

39. PR-000-U42596

**Tuan Kulasegaran A/L Murugeson [ Ipoh Barat ]** akan mencadangkan:-

"Bahawa Dewan ini harus meminta Kerajaan supaya menubuhkan satu badan bebas bagi menjalankan kajian terperinci untuk mengenalpasti keperluan untuk membina sekolah-sekolah Cina dan Tamil yang baru."

**(Menteri Pelajaran)**

40. PR-000-U42599

**Tuan Kulasegaran A/L Murugeson [ Ipoh Barat ]** akan mencadangkan:-

"Bahawa Dewan ini harus mengambil maklum bahawa Kerajaan harus menguatkuasakan undang-undang bagi mensyaratkan semua wakil rakyat mengumumkan aset milikan/kekayaan peribadi secara terbuka".

**(Perdana Menteri)**

41. PR-000-U42601

**Tuan Kulasegaran A/L Murugeson [ Ipoh Barat ]** akan mencadangkan:-

"Bahawa Dewan ini harus meminta Kerajaan supaya mengambil ketetapan yang rasional dalam pemilihan jumlah golongan bukan melayu secara seimbang dalam sektor perkhidmatan awam."

**(Perdana Menteri)**

42. PR-000-U42289

**Tuan Chua Tian Chang [ Batu ]** akan mencadangkan:-

" Bahawa Dewan ini mendesak Kerajaan Persekutuan mengembalikan hak kepada Negeri untuk melantik Pegawai Eksekutif *Ex-officio* yang memberi kuasa kepada Menteri Besar yang dipilih rakyat dan menghormati kedaulatan negeri. Jelasnya, pemindahan Perlembagaan pada Tahun 1983 terbukti adalah memusatkan kuasa kepada Perdana Menteri dan Ketua Setiausaha Negara untuk campur tangan dalam pentadbiran negeri."

**(Perdana Menteri)**

43. PR-000-U41589

**Tuan John A/L Fernandez [ Seremban ]** akan mencadangkan:-

"Bahawa Dewan ini dapat membincangkan agar Suruhanjaya Pilihan Raya mencadangkan kepada Kerajaan agar:-a) mengurangkan umur minimum kelayakan mengundi dari 21 tahun kepada 18 tahun;b) menjadikan pendaftaran untuk mengundi adalah satu perkara yang automatik; dan c) pengundi berdaftar adalah diwajibkan keluar mengundi."

**(Perdana Menteri)**

44. PR-000-U41590

**Tuan John A/L Fernandez [ Seremban ]** akan mencadangkan:-

"Bahawa Dewan ini dapat membahaskan agar satu mekanisma yang efektif dalam bentuk jangka masa pendek dalam menangani masalah banjir di negara ini."

**(Menteri Sumber Asli dan Alam Sekitar)**

45. PR-000-U41591

**Tuan John A/L Fernandez [ Seremban ]** akan mencadangkan:-

"Bahawa Dewan ini mendesak agar Kerajaan dapat mengawal harga barang asas seperti susu, gula dan tepung yang kerap naik harga tanpa mengambil kira kesannya terhadap rakyat yang rata-ratanya berpendapatan sederhana dan rendah."

**(Menteri Perdagangan Dalam Negeri, Koperasi dan Kepenggunaan)**

46. PR-000-U41592

**Tuan John A/L Fernandez [ Seremban ]** akan mencadangkan:-

"Bahawa Dewan ini dapat mengambil perhatian secara serius di mana terdapat ramai golongan muda kini telah diisyiharkan muflis akibat dari penggunaan kad kredit yang tidak terkawal."

**(Menteri Kewangan)**

47. PR-000-U41594

**Tuan John A/L Fernandez [ Seremban ]** akan mencadangkan:-

"Bahawa Dewan ini dapat mengarahkan Kerajaan untuk meminta semua penerima konsesi tol agar mengkaji semula kadar tol di negara ini bagi mengurangkan beban rakyat."

**(Menteri Kerja Raya)**

48. PR-000-U41597

**Tuan John A/L Fernandez [ Seremban ]** akan mencadangkan:-

"Bahawa Dewan ini mengambil keputusan untuk mengadakan satu mata pelajaran tambahan di sekolah yang mengajar agama, dat istiadat, budaya serta cara hidup semua kaum di negara ini yang terdiri dari pebagai kaum bagi mengelakkan perkara yang berlaku baru-baru ini di mana seorang pelatih beragama Sikh dipotong rambut panjangnya di Kem Pusat Khidmat Negara tidak berulang.

Isu ini adalah pelanggaran hak asasi manusia dan hak beragama di Malaysia. Suruhan Siasatan Diraja harus ditubuhkan untuk menyiasat pekara ini. Jikalau orang ramai mengenali agama, adat istiadat, budaya serta cara hidup kaum lain, pekara seumpama ini tidak akan berlaku dan isu perkauman juga dapat dihindari."

**(Menterian Pelajaran)**

49. PR-000-U41600

**Tuan John A/L Fernandez [ Seremban ]** akan mencadangkan:-

"Bahawa Dewan ini meminta Kerajaan Malaysia memberi lebih banyak peluang kepada masyarakat miskin tanpa mengira agama dan bangsa serta orang yang kurang upaya menjawat jawatan di sektor awam."

**(Perdana Menteri)**

50. PR-000-U41606

**Tuan John A/L Fernandez [ Seremban ]** akan mencadangkan:-

"Bahawa Dewan ini meminta Kerajaan untuk menyediakan perkhidmatan *Wifi* di seluruh negara untuk menggalakkan rakyat menggunakan internet bagi menambah pengetahuan mereka dan ini dapat menggalakkan semua lapisan masyarakat menggunakan internet."

**(Menteri Penerangan, Komunikasi dan Kebudayaan)**

51. PR-000-U41609

**Tuan John A/L Fernandez [ Seremban ]** akan mencadangkan:-

"Bahawa Dewan ini meminta Kerajaan mendesak pengusaha-pengusaha stesen minyak untuk menyedia lebih banyak perkhidmatan membekalkan gas bagi menggalakkan lebih ramai orang menggunakan gas bagi kenderaan mereka yang mana ini dapat mengurangkan pencemaran udara."

**(Menteri Perdagangan Dalam Negeri, Koperasi dan Kepenggunaan)**

52. PR-000-U41611

**Tuan John A/L Fernandez [ Seremban ]** akan mencadangkan:-

"Bahawa Dewan ini meminta Kerajaan menggubal undang-undang agar anak-anak dihadapkan ke mahkamah sekiranya mereka mengabaikan ibu bapa mereka yang sudah tua."

**(Menteri Pembangunan Wanita, Keluarga dan Masyarakat)**

53. PR-000-U42038

**Tuan Liew Chin Tong [ Bukit Bendera ]** akan mencadangkan:-

"Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi 100 juta oleh Kementerian Pertahanan, mesti dibawa ke Parlimen dibahas dan diaudit oleh Jabatan Audit Negara sebagai syarat meneruskan pembelian ini. Ini juga bertujuan untuk mempertingkatkan integriti dan keberkesanan pembelian sistem pertahanan. Ini adalah diakibatkan oleh pembelian Jet Sukhoi dan Kapal Selam Scorpene yang telah menimbulkan banyak persepsi negatif terhadap negara".

**(Menteri Pertahanan)**

54. PR-000-U42040

**Tuan Liew Chin Tong [ Bukit Bendera ]** akan mencadangkan:-

"Bahawa Dewan ini menyokong bahawa Perdana Menteri untuk menjelaskan kekeliruan yang disebabkan atas jawapan beliau tentang perbelanjaan Isteri Perdana Menteri pada Dewan yang lepas iaitu pada November 2010 yang tidak dipadani dengan kewujudan "First Lady of Malaysia Division" seperti yang ditunjukkan oleh direktori laman web Jabatan Perdana Menteri."

**(Perdana Menteri)**

55. PR-000-U42020

**Dato' Seri Zahrain Mohamed Hashim [ Bayan Baru ]** akan mencadangkan:-

"Bahawa Dewan ini membuat ketetapan untuk merakamkan setinggi-tinggi penghargaan dan terima kasih kepada Kerajaan Malaysia, Kerajaan Arab Saudi, Majlis Keselamatan Negara, Angkatan Tentera Malaysia dan pihak lain yang terlibat secara langsung dan tidak langsung dalam menjayakan "Ops Piramid" untuk menyelamatkan rakyat Malaysia yang terperangkap dalam pergolakan berdarah di bumi Mesir".

**(Menteri Luar Negeri)**

56. PR-000-U42023

**Dato' Seri Zahrain Mohamed Hashim [ Bayan Baru ]** akan mencadangkan:-

"Bahawa Dewan ini membuat ketetapan mencadangkan kepada YAB Perdana Menteri supaya keanggotaan Panel Perunding dan Pencegah Rasuah Suruhanjaya Pencegah Rasuah Malaysia (SPRM) dikaji semula bagi mengelakkan sebarang tindakan anggota panel yang mencatatkan imej SPM dan Kerajaan."

**(Perdana Menteri)**

57. PR-000-U42025

**Dato' Seri Zahrain Mohamed Hashim [ Bayan Baru ]** akan mencadangkan:-

"Bahawa Dewan ini membuat ketetapan mendesak YAB Perdana Menteri mengkaji semula pengurusan dana dan bentuk pelaburan Lembaga Tabung Haji Malaysia. Dewan ini sedar tentang wujudnya kerisauan di kalangan umat Islam tentang penglibatan Lembaga Tabung Haji dalam pelaburan berisiko tinggi di dalam dan luar negara".

**(Perdana Menteri)**

58. PR-000-U42028

**Dato' Seri Zahrain Mohamed Hashim [ Bayan Baru ]** akan mencadangkan:-

"Bahawa Dewan ini membuat ketetapan mendesak YB Menteri Dalam Negeri dan YB Menteri Pembangunan Wanita, Keluarga dan Masyarakat mengambil langkah-langkah perlu untuk membersihkan bandaraya-bandaraya kita daripada sindiket "pengemis dan peminta derma" yang memperalatkan kanak-kanak, orang tua, orang kurang upaya dan pendatang asing. Dewan sedar bahawa tindakan 'pengemis dan peminta derma' ini menjelaskan imej negara dan menimbulkan persepsi negatif terhadap Kerajaan dan rakyat, selain masalah keselamatan."

**(Menteri Pembangunan Wanita, Keluarga dan Masyarakat)**

59. PR-000-U42030

**Dato' Seri Zahrain Mohamed Hashim [ Bayan Baru ]** akan mencadangkan:-

"Bahawa Dewan ini membuat ketetapan mendesak YB Menteri Kewangan memansuhkan pendekatan penghapusan subsidi secara total dalam kerangka Model Baru Ekonomi (NEM). Dewan mengambil iktibar bahawa tindakan drastik penghapusan subsidi akan menggugat kestabilan sosial dan mungkin mengancam keselamatan negara seperti yang pernah berlaku di beberapa negara jiran, termasuk Indonesia pada lewat tahun 90an dan situasi terkini di negara Mesir."

**(Menteri Kewangan)**

60. PR-000-U42273

**Tuan Gwo-Burne Loh [ Kelana Jaya ]** akan mencadangkan:-

"Bahawa Dewan ini mengambil maklum bahawa Kerajaan Malaysia sebagai anggota Majlis Hak Asasi Manusia Bangsa-bangsa Bersatu dalam menguatkuasa Resolusi 62/149 Bangsa-Bangsa Bersatu mengenai Moratorium terhadap Hukuman Mati yang telah dikuatkuasakan oleh Perhimpunan Agong Bangsa-Bangsa Bersatu pada 18 Disember 2007 di mana negara-negara yang masih mengamal hukuman mati diminta untuk menghentikan penggunaan hukuman mati dan mengurangkan jumlah hukuman-hukuman yang membawa hukuman mati secara berperingkat dan melaksanakan moratorium terhadap kesemua hukuman mati dengan hasrat untuk menghapuskan hukuman ini sama sekali. Maka dengan ini Dewan hendaklah mengambil ketetapan untuk meminta Kerajaan melalui Kementerian Luar Negeri untuk membantu mematuhi Moratorium tersebut dan meminda undang-undang yang bercanggah dengan Moratorium tersebut."

**(Menteri Dalam Negeri)**

61. PR-000-U42275

**Tuan Gwo-Burne Loh [ Kelana Jaya ]** akan mencadangkan:-

"Bahawa Dewan ini membuat ketatapan menubuhkan sebuah Suruhanjaya Diraja Siasatan Kes Kematian Tujuh Warga Pekerja Asing pada hujung Mei 2009 akibat kerja perobohan Jaya Supermarket, Petaling Jaya. Daripada siasatan yang dijalankan kerja perobohan tersebut tidak mendapat kelulusan Jabatan Keselamatan dan Kesihatan Pekerjaan (DOSH)."

**(Menteri Sumber Manusia)**

62. PR-000-U42278

**Tuan Gwo-Burne Loh [ Kelana Jaya ]** akan mencadangkan:-

"Bahawa Dewan ini mendesak Suruhanjaya Integriti Agensi Pengawalaan (SIAP) menjalankan siasatan ke atas kematian adik Aminulrasyid yang ditembak mati oleh anggota polis. Dewan juga mendesak mengenai perlantikan panel khas di dalam siasatan kes ini. Polis didakwa menyalahgunakan senjata api sehingga menyebabkan Aminulrasyid terbunuh oleh polis. Daripada siasatan dan perbicaraan yang dijalankan, banyak pihak tidak berpuas hati dengan perjalanannya dan diharap agar Suruhanjaya ini mampu untuk menjawab pelbagai spekulasi."

**(Perdana Menteri)**

63. PR-000-U42196

**Dato' Haji Mahfuz bin Omar [ Pokok Sena ]** akan mencadangkan:-

"Bahawa Dewan ini membuat ketetapan supaya Kerajaan mengambil langkah segera bagi meringankan beban rakyat dengan menghapus dan memansuhkan semua jenis tol di lebuh raya Malaysia."

**(Perdana Menteri)**

64. PR-000-U42197

**Dato' Haji Mahfuz bin Omar [ Pokok Sena ]** akan mencadangkan:-

"Bahawa Dewan ini membuat ketetapan supaya Kerajaan mengambil tindakan membatalkan semua jenis saman ekor tertunggak yang berjumlah 15 juta saman setelah pelaksanaan format dan Akta Pengangkutan Jalan pindaan 2010 dikuat kuasakan."

**(Menteri Dalam Negeri**

65. PR-000-U42199

**Dato' Haji Mahfuz bin Omar [ Pokok Sena ]** akan mencadangkan:-

"Bahawa Dewan ini membuat ketetapan supaya Kerajaan menutup syarikat Felda Plantation dan mengagihkan tanah milik Felda Plantation kepada generasi kedua dan ketiga peneroka Felda."

**(Perdana Menteri)**

66. PR-000-U42201

**Dato' Haji Mahfuz bin Omar [ Pokok Sena ]** akan mencadangkan:-

"Bahawa Dewan ini membuat ketetapan supaya Kerajaan memberikan pengiktirafan peranan dan jasa kakitangan awam dengan mengkaji semula struktur gaji bermula dengan menaikkan imbuhan perguruan sebanyak RM500 sebulan setiap seorang guru sebagai penghargaan kepada guru."

**(Perdana Menteri)**

67. PR-000-U42203

**Dato' Haji Mahfuz bin Omar [ Pokok Sena ]** akan mencadangkan:-

"Bahawa Dewan ini membuat ketetapan supaya Kerajaan menaikkan royalti minyak kepada negeri Sabah, Sarawak, Terengganu dan Kelantan kepada 20 peratus."

**(Perdana Menteri)**